

氏族典第二百六十卷

王姓部列傳八

北魏 王建

按魏書王建傳建廣寧人也祖姑爲平文后生昭成皇帝伯祖豐以帝舅貴重豐子支尙昭成女甚見親待建少尙公主登國初爲外朝大人與和跋等十三人迭典庶事參與計謀從破慕容寶於參合陂太祖乘勝將席卷南夏於是簡擇俘衆有才能者留之其餘欲悉給衣糧遣歸建曰縱敵生患乃坑之後從征慕容寶圍中山寶棄城走太祖將夜入建貪而無謀恐士卒盜亂府庫請俟天明太祖乃止是夜徒河人共立慕容普麟爲主閉門固守太祖乃悉衆攻之連日不拔使人登巢車臨城招其衆皆曰羣小無知但復恐如參合之衆故求全月日之命耳太祖聞之顧視建而唾其面中山平賜建爵濮陽公

王憲

按魏書王憲傳憲字顯則北海劇人也祖猛苻堅丞相父休河東太守憲幼孤隨伯父永在鄴苻丕

古今圖書集成
稱尊號永爲丞相爲慕容永所殺憲奔清河匿民家皇始中與駕次趙郡之高邑憲乃歸誠太祖見之曰此王猛孫也厚禮待之世祖卽位行廷尉卿出爲上谷太守尋拜外都大官後爲中都歷任二曹斷獄稱旨加龍驤將軍出爲并州刺史進爵北海公天安初卒贈鎮南將軍青州刺史諡曰康子崇襲蚤卒子仲智襲

王洛兒

按魏書王洛兒傳洛兒京兆人也少善騎射太宗在東宮給事帳下侍從遊獵夙夜無怠性謹愿未嘗有過太宗嘗獵于澤南乘冰而濟冰陷沒馬洛兒投水奉太宗出岸水沒洛兒殆將凍死太宗解衣以賜之自是恩寵日隆天賜永太宗出居於外洛兒晨夜侍衛無須臾違離恭勤發於至城元紹之逆太宗左右唯洛兒與車路頭而已晝居山嶺夜還洛兒家洛兒鄰人李道潛相奉給晨昏往復衆庶頗知喜而相告紹聞收道斬之洛兒猶冒難往返京都通問於大臣大臣遂出奉迎百姓奔赴太宗還宮社稷獲全洛兒有功焉太宗卽位拜散騎常侍詔賜爵新息公加直意將軍又追贈其父爲列侯賜僮隸五十戶永興五年卒贈太尉建平王賜溫明祕器載以輜輶車使殿中衛士爲之導

從太宗親臨哀慟者數四焉乃鳩其妻周氏與洛兒合葬

王長成

按魏書王洛兒傳洛兒子長成襲爵卒無子

王德成

按魏書王洛兒傳洛兒子德成襲爵徙爲建成公加鎮遠將軍官至散騎常侍典作長安眞君十一年卒

王慧龍

按魏書王慧龍傳慧龍自云太原晉陽人司馬德宗尙書僕射愉之孫散騎侍郎緝之子也幼聰慧愉以爲諸孫之龍故名焉初劉裕微時愉不爲禮及得志愉合家見誅慧龍年十四爲沙門僧彬所匿過江依荊州習辟彊時刺史魏詠之卒辟彊與江陵令羅脩等謀舉兵而劉裕懼江陵有變遣其弟道規爲荊州遂不果慧龍又與僧彬北詣襄陽遂自虎牢奔于姚興太常二年姚泓滅慧龍歸國太宗引見與言慧龍請効力南討言終俛而流涕天子爲之動容然亦未之用初崔浩弟恬聞慧龍

王氏子以女妻之浩見慧龍曰信王家兒也王氏世韞鼻江東謂之韞王慧龍鼻大浩曰真貴種矣數向諸公稱其美久之除樂安王範傅慧龍抗表願得南垂自効崔浩固言之乃授南蠻校尉後劉義隆將王元謨寇滑臺慧龍設奇兵大破之授龍驤將軍拜滎陽太守在任十年農戰並修大著聲績到彥之檀道濟等頻頓淮潁大相侵掠慧龍力戰屢摧其鋒劉義隆遣刺客呂元伯購慧龍首元伯僞爲反間來求屏人有所論慧龍疑之使人探其懷有尺刀元伯叩頭請死慧龍曰各爲其主也捨之時人服其寬恕慧龍自以遭難流離常懷憂悴乃作祭伍子胥文以寄意焉真君元年拜使持節寧南將軍未至鎮而卒謚穆侯呂元伯感全宥之恩留守墓側終身不去子寶興襲爵

王斤

按魏書王建傳初建兄豆居以建功賜爵卽丘侯無子建以子斤襲兄爵太宗初給事中任職用事轉大長秋世祖征赫連昌遣斤部造攻具進爵淮南公加平北將軍世祖西征赫連定以斤爲衛兵將軍鎮蒲坂關隴平徙鎮長安斤遂驕矜不順法度調役百姓民不堪之南奔漢川者數千家世祖遂斬斤以徇

王早

按魏書王早傳早勃海南皮人也明陰陽九官及兵法尤善風角太宗時喪亂之後多相殺害有人詣早求問勝術早爲設法令各無咎由是州里稱之早嘗與客清晨立于門內遇有卒風振樹早語客曰依法當有千里外急使日中將有兩匹馬一白一赤從西南來至卽取我逼我不聽與妻子別語訖便入召家人鄰里辭別語訖浴帶書囊日中出門候使如期果有二馬一白一赤從涼州而至卽促早上馬遂詣行宮時世祖圍涼州未拔故許彥薦之早彥師也及至詔問何時當得此城早對曰陛下但移據西北角三日內必尅世祖從之如期而尅輿駕還都時久不雨世祖問早曰何時當雨早曰今日申時必大雨比至未時猶無片雲世祖召早詰之早曰願更少時至申時雲氣四合遂大雨滂沱世祖甚善之而早苦以疾辭乞歸鄉里詔許之遂終于家或言許彥以其術勝恐終妨己故譎令歸耳

王度

按魏書王建傳建孫度太祖時爲虎牢鎮監軍世祖卽位徵拜殿中給事遷尙書從征赫連昌討蠕

蠕並有功賜爵濟陽公後出鎮長安卒諡曰莊子安都襲

王定州 弟升 子陵

按魏書王洛兒傳洛兒弟德成卒子定州襲爵降爲建陽侯安遠將軍後定州弟升爲侍御中散有寵於顯祖以祖父洛兒著勳先朝詔復定州爵爲公高祖初爲長安鎮將卒子陵襲升爵承明初遷監御長賜爵始新子加寧朔將軍員外散騎常侍卒

王安都

按魏書王建傳建孫度度子安都降爵爲侯世祖拜爲太子庶子出爲鄴善鎮將高宗時爲內都大官卒子買得襲人漢里編限南帝帝書爲日中出門對面眼果齊二編一白一赤紫黃黑而至

王樹

按魏書王建傳建曾孫樹以善射有寵於顯祖爲內侍長稍遷尙書賜爵歷陽侯加龍驤將軍員外常侍出爲平西將軍涇州刺史卒

王橋

按魏書王叡傳叡父橋字法生解天文卜筮家貧以術自給歷仕終於侍御中散天安初卒贈平遠將軍涼州刺史顯美侯諡曰敬

王元威

按魏書王元威傳元威恆農陝西人也顯祖崩元威立草廬于州城門外衰裳蔬粥哭踊無時刺史苟頽以事表聞詔令問狀元威稱先帝統御萬國慈澤被于蒼生含氣之類莫不仰賴元威不勝悲慕中心如此不知禮式詔問元威欲有所訴聽爲表列元威云聞諱悲號竊謂臣子同例無所求謁及至百日乃自竭家財設四百人齋會忌日又設百僧供至大除日詔送白紬袴褶一具與元威釋服下州令表異焉

王嶷

按魏書王憲傳憲子嶷字道長少以父任爲中書學生稍遷南部大夫高祖初出使巡察青徐兗豫還遷南部尙書時南州多事文奏盈几嶷委隨不斷終日昏睡而已李訢鄧宗慶等號爲明察勤理時務而二人終見誅戮餘十數人或黜或免惟嶷卒得自保時人爲之語曰實癡實昏終得保存加

古今圖書集成
散騎常侍未幾拜安東將軍進爵樂安公出爲秦州刺史後入爲內都大官卒子祖念襲爵

王仲智

按魏書王憲傳憲子崇崇子仲智歷中書侍郎安西將軍幽州刺史有清平之稱

王叡

按魏書王叡傳叡字洛誠自云太原晉陽人也六世祖橫張軌參軍晉亂子孫因居於武威姑臧父
橋解天文卜筮仕終侍御中散叡少傳父業而姿貌偉麗恭宗在東宮見而奇之興安初擢爲太卜
中散領太史承明元年文明太后臨朝叡因緣見幸超遷給事中俄而爲散騎常侍賜爵太原公太
和二年高祖及文明太后率百僚與諸方客臨虎圈有逸虎登門闔道幾至御座左右侍御皆驚靡
叡獨執戟禦之虎乃退去故親任轉重四年遷尙書令進爵中山王及疾病高祖太后每親視疾尋
薨親臨哀慟贈衛大將軍太宰并州牧諡曰宣王將葬文士爲作哀詩及誄者百餘人京都士女諂
稱叡美造新聲而絃歌之名曰中山王樂子襲

王襲

按魏書王叡傳叡子襲字元孫年十四以父任擢爲中散叡薨高祖詔襲代領都曹爲尙書令領吏部曹文明太后令曰襲年少智思未周使閑習政事後用不晚終太后世寵念如初襲王爵例降爲公太后崩後仍在高祖左右然禮遇稍薄不復關與時事久之出爲鎮西將軍秦州刺史轉并州刺史以事爲中尉所糾會赦免景明二年卒贈平南將軍豫州刺史諡曰質

王寶興

按魏書王慧龍傳慧龍子寶興少孤事母至孝尙書盧遐妻崔浩女也初寶興母及遐妻俱孕浩謂曰汝等將來所生皆我之自出可指腹爲親及婚浩爲撰儀躬自監視謂諸客曰此家禮事宜盡其美及浩被誅盧遐後妻寶興從母也緣坐沒官時官賜度河鎮高車滑骨寶興盡賣資產自出塞贖之以歸襲爵長社侯龍驤將軍卒子瓊襲爵

王瓊

按魏書王慧龍傳慧龍子寶興寶興子瓊字世珍高祖賜名焉太和九年爲典寺令高祖納其長女爲嬪拜前軍將軍神龜中除左將軍兗州刺史去州歸京多年沉滯所居在司空劉騰宅西騰雖

古今圖書集成
傾朝野初不候之騰既權重吞并鄰宅唯瓊終不肯與以此久見抑屈孝昌三年除鎮東將軍金紫光祿大夫卒贈征北將軍中書監并州刺史瓊四子

王質

按魏書王質傳質字紹奴高陽易人也其家坐事幼下蠶室頗解書學爲中曹吏內典監稍遷祕書中散加寧朔將軍賜爵永昌子領監御遷爲侍御給事又領選部監御二曹事復特加前將軍進爵魏昌侯轉選部尙書加員外散騎常侍出爲鎮遠將軍瀛州刺史質在州十年風化粗行察姦糾厯究其情狀民庶畏服之而刑政刻峻多所笞戮號爲威酷高祖頗念其忠勤宿舊每行留大故馮司徒亡廢馮后陸叡穆泰等事皆賜質以璽書手筆莫不委至同之威貴質寶掌以爲榮入爲大長秋卿未幾而卒

王琚

按魏書王琚傳琚高平人自云本太原人高祖始晉豫州刺史琚以泰常中被刑入宮禁小心守節久乃見叙用稍遷爲禮部尙書賜爵爲廣平公加寧南將軍高祖以琚歷泰先朝志在公正授散騎

常侍後爲侍中征南將軍冀州刺史假廣平王徵還進爲征南將軍進高平王侍中如故還冀州高祖文明太后東巡冀州親幸其家存問周至還京以其年老拜散騎常侍養老於家前後賜以車馬衣服雜物不可稱計後降爵爲公扶老自平城從遷洛邑高祖以其朝舊遣左右勞問之琚附表自陳初至家多乏蒙賜帛二百匹常飲牛乳色如處子太和二十年冬卒時年九十贈征南將軍冀州刺史諡曰靖

王寄生

按魏書王琚傳琚養子寄生未襲而亡

王蓋海

按魏書王琚傳琚封高平公寄生子蓋海襲祖琚爵初琚年七十餘賜得世祖時宮人郭氏本鍾離人明嚴有母德內外婦孫百口奉之肅若嚴君家內以治蓋海官至青州樂陵太守

王肅

按魏書王肅傳肅字恭懿琅邪臨沂人司馬衍丞相導之後也父奐肅隨尚書左僕射爲隨所殺肅

自建業來奔高祖引見問故肅辭義敏切辨而有禮高祖甚哀惻之遂語及爲國之道肅陳說治亂深會帝旨促席移景不覺坐之疲淹也尋除輔國將軍大將軍長史詔肅討蕭鸞肅至義陽頻破賊軍以功進號平南將軍除豫州刺史肅善於撫接治有聲稱尋徵入朝進鎮南將軍封汝陽縣開國子高祖崩遺詔以肅爲尙書令與咸陽王禧等同爲宰輔詔肅尙陳留長公主裴叔業以壽春內附拜肅使持節都督江西諸軍事車騎將軍與彭城王勰率步騎十萬以赴之蕭懿屯小峴李叔獻屯合肥將圖壽春懿遣將胡松李居士等屯據死虎肅進師討擊大破之進討合肥生擒叔獻肅懿棄小峴南走還京師進位開府儀同三司封昌國縣開國侯尋以爲揚州刺史肅頻在邊悉心撫接遠近懷歸附者若市然性輕佻頗以功名自許少所推下景明二年薨於壽春諡宣簡肅宗初子紹襲

王秉

按魏書王肅傳肅弟秉字文政世宗初攜兄子誦翊衍等入國拜中書郎遷司徒諮議出爲輔國將軍幽州刺史卒贈徐州刺史

王續生

按魏書王續生傳續生滎陽京縣人也遭繼母憂居喪杖而後起及終禮制鬢髮盡落有司奏聞世宗詔標旌門閭甄其徭役

王祖念

按魏書王憲傳憲子疑疑子祖念官至東平太守降爵爲侯卒贈靈朔將軍光州刺史子慶鍾襲爵

王紹

按魏書王肅傳肅子紹字三歸歷官太子洗馬員外常侍中書侍郎卒贈輔國將軍徐州刺史紹肅前妻謝生也肅臨薨謝始攜二女及紹至壽春世宗納其女爲夫人肅宗又納紹女爲嬪

王仲興

按魏書王仲興傳仲興趙郡南樂人也父天德起自細微至殿中尙書仲興以父任早給事左右出入禁內十餘年轉冗從僕射從駕征新野有功除折衝將軍又命率千餘騎破賊於鄧城除越騎校尉高祖於馬圈自不豫大漸迄於崩仲興頗預侍護世宗卽位轉左中郎將及帝親政與趙脩並見寵任後與領軍于勁共參機要因自理馬圈侍疾功遂封上黨郡開國公兄可久以仲興故自散爵

古今圖書集成
爲彭城太守恃仲興寵勢輕侮司馬北海王詳因百寮朝集厲色大言仲興是後漸疎世宗乃下詔奪其封邑出除平北將軍并州刺史卒

王世弼

按魏書王世弼傳世弼京兆霸城人也劉裕滅姚泓其祖父從裕南遷世弼身長七尺八寸魁岸有壯氣善草隸書好愛墳典仕蕭鸞以軍勳至游擊將軍爲軍主助戍壽春遂與叔業同謀歸誠景明初除冠軍將軍南徐州刺史擬戍鍾離懸封慎縣開國伯食邑七百戶後以本將軍除東徐州刺史治任於刑爲民所怨有受納之響歲餘爲御史中尉李平所彈會赦免久之拜大中大夫加征國將軍尋以本將軍出爲河北太守治有清稱轉渤海相尋遷中山內史加平北將軍直閣元羅領軍父弟也曾行過中山謂世弼曰二州刺史讎復爲郡亦當恨恨耳世弼曰儀同之號起自鄧騭平北爲郡始在下官正光元年卒官贈本將軍豫州刺史諡曰康

王遇

按魏書王遇傳遇字慶時本名他惡馮翊李潤鎮羌也與雷黨不蒙俱爲羌中彊族自云其先姓王

後改氏鉗耳世宗時復改爲王焉自晉世已來恆爲渠長父守貴爲郡功曹卒遇既貴追贈安西將軍秦州刺史澄城公遇坐事腐刑爲中散遷內行令中曹給事中加員外散騎常侍右將軍賜爵富平子遷散騎常侍安西將軍進爵宕昌公拜尙書轉吏部尙書仍常侍例降爲侯出爲安西將軍華州刺史加散騎常侍幽后之前廢也遇頗言其過及後進幸高祖稱遇謗議之罪遣御史馳驛免官奪其爵收衣冠以民還私第世宗初兼將作大匠未幾拜光祿大夫復奪爵廢后馮氏之爲尼也遇自以常更奉接往來祇謁不替舊敬衣食雜物每有薦奉后至其館遇夫婦迎送謁伏侍立執臣妾之禮遇性巧彊于部分北都方山靈泉道俗居宇及文明太后陵廟洛京東郊馬射壇殿脩廣文昭太后墓園太極殿及東西兩堂內外諸門制度皆遇監作雖年在耆老跨鞍驅馳與少壯者均其勞逸又長於人事每逢僚舊具設餽果觴膳精豐然競於榮利趨求勢門趙脩之寵也過往還宗承受勅爲之監作第宅增於本旨管擊作人莫不嗟怨卒于官

王厲

按魏書王遇傳遇馮翊李潤鎮羌也遇養弟子厲本郡太守稍遷至右軍將軍襲爵宕昌侯產業過

古今圖書集成
子過時

王顯

按魏書王顯傳顯字世榮陽平樂平人自言本東海郟人王朗之後也祖父延和中南奔居于魯郊又居彭城伯父安上劉義隆時板行館陶縣世祖南討安上棄縣歸命與父母俱徙平城例叙陽都子除廣甯太守顯父安道少與季亮同師俱學醫藥粗究其術而不及亮也安上還家樂平頗叅士流顯少歷本州從事雖以醫術自通而明敏有決斷才用召補侍御師尚書儀曹郎號稱幹事世宗幼有微疾顯攝療有功稍蒙盼識又罷六輔之初顯爲領軍于烈間通規策頗有密功累遷遊擊將軍拜延尉少卿仍在侍御營進御藥出入禁內乞臨本州世宗曾許之積年未授因是聲聞傳于遠近顯每語人言時旨已決必爲刺史遂除平北將軍相州刺史尋詔馳驛還京復掌藥又遣還州元愉作逆顯討之不利入除太府卿御史中尉顯前後歷職所在著稱糾折庶獄究其姦回出內情慎憂國如家及領憲臺多所彈劾百寮肅然又以中尉屬官不悉稱職諷求更換詔委改選務盡才能而顯所舉或有請屬未皆得人於是衆口喧譁聲望致損後世宗詔顯撰藥方三十五卷班布天下